

奉化縣志卷三十五

金石

唐岳林寺造塔記

岳林寺塔記 僧君長述并書

自金輪氏應跡迦維大漢教流諸夏尊舍利於支提儼靈相於寶殿誠如殿塔之位闕而不可茲寺二所即女弟子傅氏二娘之建也傅氏媿于朱室三紀不幸而所天早喪愛子又天惇然霜質而恪勤檀度時大中五載再剏 殿 焉闕者唯塔傅氏發言曰生 矣遂下缺

右碑在岳林寺東塔內文八行行書徑七分記為僧君長所述詞甚簡質書法亦古雅於方外尤難得也

唐岳林寺造塔銘

奉化縣志

卷三十五

金石

一

明州奉化縣岳林寺塔銘

并序

隴西李柔撰

大中十年歲 子正 己丑廿日甲子建新 者 道宗

施主 弟子傅二娘 西方聖人教傳中國作万方 救之途

無住之相即不以執著為 小乘之初開 在於瞻仰

故 子 尚下缺 證果況埏埴為 缺 蠹 缺 遂使 缺 大利 缺

所說凡在初 缺 哉 師 之 缺 日月電過

銘曰

罪滅 生 缺 下一行全泐

二郎 缺 壹伯 缺 捨 貳百 缺

塔入緣弟子 缺 亾考妣捨貳阡文 前明州 缺 馬珍奉為考妣

及自身捨 阡文 傅 貳 文 包氏捨絹一匹 從漢

奉為亾考捨壹阡文 傅 伍百文 馬六娘壹阡文 從質

捨壘貳拾

捨 文 傅二娘又捨貳百伍拾阡文

捨貳伯阡文大佛殿又肆拾阡文入齋堂 潘三娘

捨 伯文 沈輅 缺 僧理宗奉爲叻師叔捨伍伯文入塔 缺 九

鐫

右碑在岳林寺西塔佛像下文二十五行正書徑六分文多

剝蝕存者無幾

宋雲蓋山重新壽聖院碑

明州奉化縣雲蓋山重移壽聖院記 邑僧 希宣書 子霄

住九峯山靈鷲禪院住持傳法沙門鑒韶述

原夫佛教之化人俾忘物我逮夫差忒自分兩端一曰十方一曰甲乙且十方者主須眾選其甲乙者人唯次當其間有眾選者始謀則推其至公既得則行之由我儻或傾淨瓶一滴之水則掌握

奉化縣志

卷三十五 金石

二

都清或通慳囊一罇之風則山林皆入加之念曰身無百歲之固院有十方之名縱使瓦破雨飄但存交割之數假使金糝翠染不得子孫之傳此念或生眾務皆脫大風拉朽豈有存立之心乎其甲乙者苟或思惟祖宗始初尋覓披拂草莽墳疊土基從始至終積功累德日復一日人傳一人上既造成我豈當壞由是晝作夜續舊翻新此皆青出之談信不誣矣茲院自天聖問有高行僧宗印卓菴是山 施主呂廷昶與眾 信慨不容人添成小院洎明道中其宗印爲人請起復得象先師弟接續住持景祐中其象先移住 又交付與師弟清稔至治平四載清稔謝病卽令徒弟仲南承代住持至熙甯三年蒙賜今額其院初居峯頂遠絕人煙廚中飴香望賓侶而不至臺上鐘動但猿鳥 空驚爰有監院僧允來欲向高山移居 地先與仲南密議次求邑官許容內既

有誠外亦可動則見施工運力獻功呈材紺殿巍然高門 方
丈寢室僧堂法堂行廊食廚佛像供具自表及裏煥然一新而又
塔級崔嵬宛同於地開涌出屋勢屈曲何殊於雲綻化成人步忙
而亦游僧性閑而須人將其峯頂自利與道旁接人之蓋霄壤如
何 丐文以紀始末 擊因附以銘銘曰
嵯峨峯巒幽深洞穴氣象接連煙雲明滅茲宇備完彼棟殘缺因
勒是銘俾扶茲說枳臭惟翦橘香亦折念茲在茲無怠爾思

時元豐四年八月十五日

徒弟僧

元之元杲仲能

監院僧

允來

立石 住持沙門仲南

施主汪承

汪意張延

汪淋陳承贊周文貴蔣六娘胡十二娘

同建

二十娘出佛相除施主捨錢外允來自備長財柒伯貫

文建造

奉化縣志

卷三十五

金石

三

守縣尉施常

權主簿李實

朝奉大夫知明州奉化縣事上柱國盛穆仲

右碑在雲蓋寺高五尺四寸零闊二尺七寸五分額書勅賜

壽聖院記六字字徑二寸五分正書面二十一行行四十字

字徑八分亦正書惟邑僧希宣等字與記後列署之名其字

較小

宋通判薛師魯行狀

先君朝散大夫新通判揚州軍州兼管內勸農營田事賜緋姓薛
諱師曾字與參世爲明之鄞人明今陞慶元府曾祖諱朋龜朝奉
大夫知衡州贈正議大夫妣王氏碩人祖諱居實朝請大夫直祕
閣淮東安撫知揚州贈中大夫妣朱氏太令人考諱揚祖朝奉大
夫刑部郎中贈中奉大夫妣蔣氏汪氏並恭人先君生於慶元丙

辰三月十二日酉時嘉定十三年以刑郎致仕恩補將仕郎十五
年中吏部銓調紹興府上虞縣尉十六年循修職郎十七年今上
登極恩循從事郎寶慶二年循文林郎三年循儒林郎調處州錄
事參軍丁內艱服闋調徽州巖寺鎮紹定三年循承直郎端平改
元監行在樞貨務門淳祐元年特差簽書淮南節度判官廳公事
三年以考舉及格改通直郎知常州無錫縣五年封奉議郎八年
監行在左藏西庫十年轉承議郎六月轉朝奉郎十一年通判台
州改平江鎮江九江皆不赴十二年封朝散郎寶祐改元充行在
點檢酒所主管文字二年轉朝請郎三年主管建康府崇禧觀四
年轉朝奉大夫五年通判揚州六年封朝散大夫及瓜而以病告
至九月十九日酉時卒于正寢享年六十有三嗚呼痛哉娶同里
厲氏封宜人先五年歿葬于奉化縣忠義鄉雙谷山之原子男二

奉化縣志

卷三十五

金石

四

闡將仕郎次巖幼爲先伯父儒林後女一順之適外甥太學待省
進士楊應翔孫男二登秀辰秀孫女一謙之闡不孝將以景定庚
申七月壬辰奉柩合宜人厲氏之兆方請銘當世大手筆葬日薄
先撫世系厯官歲月臧諸壙孤哀子闡泣血謹識表弟大中大夫
集英殿修撰知太平州軍州事兼管內勸農營田事節制屯戍軍
馬鄞縣開國子食邑五百戶高衡孫墳諱陳洪刊

右石在曹村莊某園落厯有年所莫詳其始高三尺許闊二
尺許刻分三截截二十行行十字正書案薛揚祖子有師魯
無師曾文內曾字或魯字之誤茲照原刻錄之

宋 蔣君壙記

府君蔣伯珣

世居於奉邑義陽里其先

自毗陵諱浚

明至府君 五世

矣四世祖金紫公 第四子諱瓌娶張

氏於府君為曾祖父母葬橫溪因家焉自瓌府君至府君四世矣

諱榛字嘉會娶裘氏府君大父母父諱娶樓氏成德孺人府君

以紹熙癸丑仲秋甲寅生以德祐乙亥季春辛巳歿得年十有

三歲本里顧氏七十有五歲卒葬金峩山西之原男二日文曰武

孫男二曰晉孫泰孫女英曾孫男四曰可僧如僧足僧尚僧府

君既歿三月泰孫奉父命以秋仲庚申舉柩合

顧夫人兆屬曉紀歲月府君能樹立門庭凡遐邇

聲即之無有急遽色儉出薄入以底衍洽而能恭以持敬以待

人和樂以調艱急恤患補闕不少靳賓接姻舊莊敬日強無或少

肆志存樸容春秋享祀必敬必戒如將見之御僮僕不

敢為驕態吝恩惠前其生平嘗好游方蒙

子焉吾嘗慕伏波之刻鵠不成尚類

奉化縣志 卷三十五金石 五

爾汝曹敬以為訓無違哉則吾以斯理推頑不

以化之夫心主靜而筋幹精強於是色而澤粹而純以

求光前裕後之休蓋不卜而可知己蓋孟軻氏所謂有禮者敬

人焉府君所以持己也氏所謂明內齊外焉府君所以閑家

也朱文公所謂本富為生種焉府君所以資身也謂之善

人非歟作德之門足以啟後亦足以繩先於府君其不亡矣

瀛坦嘗以闔屬版授府君志也故不贅石圖徽永闕厥

祈銘於鴻碑前事之月宗姪朝請郎新除將作監部曉敬識里

世通判淮安軍州事趙崇敷墳諱里生朝奉郎沿海制置使

司參議陳題蓋

右石在樓隘金紫廟內高三尺二寸闊二尺斷作兩段臥神

座側上額篆有宋蔣君壙記八字其二字莫辨下二十

行行三十字字徑七分正書文多漫滅可認者僅三之一蔣氏又有木版寫存之物讀之多有訛錯且中亦已有空字知非其石完好時所錄今據其有可補者作小字附書於旁

宋張居士墓碑

宋克己齋居

士張公之墓

碑陰

宋 進士諱紳字

生於紹興二十七年丁丑十一

月初 日子時卒於嘉熙二年

戊戌 月二十日丑時享年

十 以 祐二年壬寅十二月

奉化縣志

卷三十五

金石

六

十二日葬於方家衙之原

丁巳十二月十六日孫錯

右碑在斑溪茅洋廟左正面二行行五字字徑三寸五分篆書碑陰七行行十二字字徑五分正書

宋張進士墓碑

宋故進士

張公之墓

碑陰

宋故張萬廿四進士諱

德知生於淳熙十年癸卯九

月二十七日亥時卒於 祐

三年乙卯正月十九日辰時

享年七十三以寶祐五年丁

巳十二月十六日祔葬於方

家術 先祖之塋男 識

右碑在斑溪張居士墓碑之左正面二行行四字字徑三寸

五分篆書碑陰七行行十一字字徑五分正書

宋張夫人墓碑

宋故趙氏

之墓

右碑在斑溪張居士墓碑之右正面二行行四字篆書碑陰

字多剝蝕惟未有男錯二字可識

元知州馬稱德生祠碑

知州奉議馬公生祠記

奉化縣志

卷三十五

金石

七

延祐六年十月一日知州馬侯來牧是州下車首謁學宮釋菜訖
事顧而言曰聖朝以文恢國尊崇孔道敦獎儒雅甚盛節也宮牆
湫隘不稱炳靈何以塞明詔用新其制以侈前觀我其曷敢墜厥
志越蒞事之明日席未温詢耆艾後彝訓堂芟薶草莽審曲面勢
輦梓庀工業建尊經閣置書板關齋廡創倉庫庖湏踰且百楹直
靈星門浚泮池周廣幾二百武伐石梁其上天光倒影遙聯炳炫
築垣牆以謹于陋過者罔不祇肅較載石之缺畫籌儲糧之虛實
若燭照龜卜私屬厭計者懼不復肆是用豐於養士事既周而志
益堅勸儒人助田三百畝有奇擇良師授子弟業親釋訓義課殿
最期有成庠音序誦達于四境以今準古行鄉飲酒禮薰醇導龢
恢宏美化約歲損贏置大成樂饗二丁豆籩簋簋冠佩章甫莫不
新設天之所啟無倦其煩州之秀民髦士交胥慶曰自邑陞州人

才渙散苟且而處鹵莽而學積久成蠹視如傳舍今教養有方綱紀有倫繫誰賜也因究夫文翁以文學牖夫蜀人之耳目翕然化易相如楊雄彬彬輩出百世而下讀其書者竦然興起侯寵嘉斯文偉哉盛矣殆將期是邦人才之盛猶漢蜀也祠諸西序繪像尊事用示不忘雖然侯固不假像爲也思古之顯顯令名者施惠滲漉人心僅若毫髮自有感其不釋然于懷豈規規責目前之報而彰其施也哉吁像之設誠足以垂名訓勸來者異時羽儀天朝嗚佩執玉進退百官以惠於一州者推而及之天下其事業光明俊偉流諸史策不其休哉詩不云乎蔽芾甘棠勿翦勿伐召伯所茇吾夫子存諸詩不爲無勸使目接心惟形於歌詠不能自己維其有之是以似之侯其有焉羣士請紀侯之實先職教也辭不獲侯廣平人名稱德字致遠階奉議大夫明敏革奸愷悌施政疏河以

奉化縣志

卷三十五

金石

八

利舟楫築堰以膏稻梁鳩工以廣民居定籍以均賦役殆不一書採諸歌謠并載樂石云至治元年四月吉日奉化州儒學正黃先撰并書

中奉大夫浙東道宣慰使都元帥趙慧篆額

右碑在明倫堂左高五尺八寸闊二尺七寸五分額篆知州奉議馬公生祠記九字字徑二寸八分文二十四行行三十
字字徑八分正書

明重建三江壽通橋碑

重建三江壽通橋記

奉化之

能一舍

三江滔滔然

三江蓋非

之三江西云其

諸海

三江西

至暮不少休爲一邑之

歸祭掃往回凡幾經行

爲使事何可得也正統

七 引年歸

田復經此江適 多人

攸關倡其事者爲何

如人也心竊嘉之越明年乙丑秋七月旣望有鄉之居士李氏

曰三江 洪武辛酉間建石橋至宣德 洪

水衝激頽圯弗復修遂以舟櫓渡人 之間或遭風濤之不仁

蛟鼉之觸怒甚至覆溺不 救人皆苦之正統庚申春尊宿老居

士李氏 者發大願心秉大願力議欲建此橋大懼綿力弗克

成爰持短疏白告于郡太守鄭公瑤以及邑 公 雋二尹黃

公甯旣乃納告發圩里伐椿木一千餘株以助之越歲餘急缺

奉化縣志

卷三十五

金石

九

料繼承邑之二尹何公 齋穀一百石并樣木一百五十株

共成勝事洎扣高門及眾檀越長者或損資指廩慨 樂 於是

鳩工伐石水載而陸運經始於正統辛酉春訖工於正統十年冬

十月其梁堦一以石爲之灰以彌縫之椿以固捍之駕梁一十有

二疊堦如梁之數綿亙江面橫袤三十丈有奇直抵江心高殺橫

三之二焉眾樂趨赴而人無告疲事出一心斯彌久益固交橋之

日往來而濟者無慮數千百人莫不合十讚歎橋之西行二百步

許有山曰清水巖山頂有塔曰壽峯塔山下古有橋名壽德橋

三江對待而相望獨此橋未有名請名之於碑將立石於橋首以

垂不磨 聞之乃喟然歎曰斯橋之建其得吾心之所同然者歟

橋之名其可少之哉夫心專而力具者工必成志一而慮深者

事必固 此橋歷千百載而不壞 久而愈堅非壽而何地接

四達八達之道行無風濤蕩瀆之阻非通而何名之曰壽通橋不亦宜 彼浮圖壽峯之兀然山頂 若無關於人事其與斯橋重輕爲何如哉抑聞夏令曰九月除 十月成梁皆刺史守令事也 居士與 鄉曲 邑大夫作興之 不忍人之覆溺樂營建之誠可 有道仁人之用心者矣是宜銘凡有功於橋者悉著名氏於碑 庶不沒人之善云銘曰

三江之水兮厥流滔滔鼉鼉出沒兮吐蜃騰蛟行人舟濟兮浪湧一遭覆溺兮覓其莫招仁人見之兮心焉如燒鳩眾工兮駕石爲橋不日而成兮人無告勞近 而遠來兮輿誦而童謠名垂壽通兮 久勿凋勒蒼珉兮輝碧寥民安物阜兮風雨攸調金湯同其鞏固兮祝萬萬歲于軒

右碑在壽通菴內碑已扑斜折爲兩段高共五尺七寸闊三

奉化縣志

卷三十五

金石

十

尺四寸厚五寸額篆重建三江壽通橋記八字字徑二寸五分文二十五行行三十九字字徑七分正書已剝蝕其五之一前後題款十行第一行存重建三江壽通六字第二行存使司左布政使致仕東軒應譔十二字第三行存修職佐郎篆額六字第四行僅彷彿得陳肇二字末後第一行書正統十一年歲次丙寅秋九月吉日奉化縣 林郎知縣李立石其文略備第二行存功郎縣丞何隆六字第三行存仕郎主簿余止善七字第四行存典史泰三字第五行存驛丞林輔俞五字第六行存醫學徐會四字餘已不能識別其碑之下截彙書捐戶都莊姓氏刻分四截量估全碑之高一尺二寸字亦正書徑四五分不等惟大半斑剝無可辨認矣

明幽巖題字

煙聲

壬午年 夢泰

右石刻在雪竇山千丈巖下字徑二尺正書題款存壬午年
夢泰五字餘經剝蝕莫可辨認

奉化縣志

卷三十五

金石

十一